



你屋企個部電磁爐，可能已經陪你煮過無數餐飯。隨住科技進步，好多人認住升級電器，體驗新功能。但你有無諗過，運作正常嘅舊電器如果就咁丟棄，不但浪費，仲會為堆填區帶來額外負擔，對環境造成壓力？

中電一直致力推動低碳生活，鼓勵客戶減少浪費、關懷社群。由即日起至2025年8月31日*，中電聯同救世軍循環再用計劃攜手推出「單頭電磁爐舊換新計劃」，誠邀你捐出仍可正常運作嘅單頭電磁爐。經專業人員檢查後，呢啲電器將會轉贈予有需要嘅家庭，為佢哋送上溫暖同希望。

呢個計劃唔單止賦予舊電器第二生命，仲可以幫助社區中有需要嘅人。為咗鼓勵大家踴躍參與，凡成功捐贈合資格電磁爐，即可獲得度度賞全線電磁爐95折優惠^，以及OTO HK\$300電子現金券乙張！

無論你係為環保出力，定係想幫助他人，呢個計劃都值得你參與。快啲邀請埋親朋好友一齊加入，幫人之餘，也能收穫一份滿足感！

*推廣期：2025年7月2日至8月31日

^電磁爐優惠碼必須於2025年9月15日或之前使用，逾期無效。



一到夏天，又係慳電大作戰嘅時候！尤其大熱天時，經常開冷氣，如果使用上戒除一啲壞習慣，就可以慳到好多電㗎喇！

慳電第一「戒」：唔好返到屋企就即開冷氣

好多人一返到屋企即刻開大部冷氣對住自己吹，咁樣唔止好易病，仲好畀電嘛！其實較理想嘅做法，係先打開窗，令室內外空氣流通，同時開風扇吹走物件上嘅熱力，等熱氣排出室外後再開冷氣，就可以減低壓縮機製冷嘅負擔。

慳電第二「戒」：唔好將風力調到最低

好多人誤以為調低冷氣風力係慳電，其實唔啱㗎。因為調校冷氣嘅風力到最細嘅話，通過冷氣機全熱交換器嘅空氣量會減少，變相加重壓縮機嘅製冷負擔。所以，較慳電嘅做法應該係將冷氣機調校到最高風速檔，咁做除咗慳電，仲可以有助屋企嘅溫度同濕度去返一個理想嘅狀態㗎。

慳電第三「戒」：唔好開抽氣扇

開冷氣時應避免開動抽氣扇，否則冷氣長期被抽走，冷氣機就需要耗用更多電力製冷。



各位車主唔知有冇發現呢幾年馬路上多咗好多唔同款嘅電動車呢？

電動車喺香港愈嚟愈普及，舊年新落地嘅私家車，平均每10架就有7架係電動車。由2018至2024年，電動車數目仲大增8倍，真係總有一架喺左近！

電動車數目大增，完善嘅充電設施當然唔少得啦！近年有唔少充電服務供應商積極發展業務，中匯智能(Sino Express)嘅「三號電站」就係其中之一。佢哋計劃五年內，設立300個智能快速充電站，唔止照顧私家車用家需要，連的士等商用電動車，都係佢哋嘅服務對象！充電服務仲涵蓋室內停車場同戶外充電地點㗎！

中電發揮電能專業，為中匯智能提供靈活及高效嘅供電方案，推動大型電動車快速充電樁嘅發展，並配合項目時間表，以確保電力網絡能夠支援到營運需求。



天氣日日都咁熱，但要過個又爽又慳電嘅暑假其實一啲都唔難！而家立即下載家家必備「慳電神器」—全新中電App，助你減碳、慳電，仲解鎖三重驚喜獎賞，仲有機會全年賺高達55,500度度分，換取總值高達港幣\$4,500獎賞！

第一重驚喜

下載中電App並首次成功啟動中電One賬戶，即賺500度度分，免費換取價值港幣\$48嘅尚品阿福紅燒鮑魚(3隻裝)！

第二重驚喜

登入中電App密密玩「綠加Fun」小遊戲，學習環保知識之餘，全年仲可賺高達5,000度度分！

第三重驚喜

打開中電App查閱每日及每小時用電量，可助你輕鬆贏取「夏日慳電賞*」。慳電百分比最高嘅首200個家庭，可獲得50,000度度分Chill級獎賞，憑度度分就可以睇「度度賞」平台換取潮流節能家電、綠色家品及超市禮券等豐富獎賞㗎喇！

*推廣日期由即日起至8月31日止。

活動受條款及細則約束。



Q 有冇諗過屋企嘅電器漏電導致跳掣，有機會影響大廈、甚至整個社區供電呢？

A 唔洗驚，其實大家屋企係有家居保護裝置㗎，加埋大廈同電力公司嘅保護裝置組成「鐵三角」，咁電力安全就有多重保障㗎！

第一重保障：家居保護裝置

當大家屋企出現電流過載或漏電情況時，微型斷路器 (MCB) 及漏電斷路器 (RCCB) 會自動斷開電流供應，有效保護電器及人身安全。

第二重保障：大廈保護裝置

大廈內嘅總開關都會採用過載及接地故障繼電保護器，繼電器設計可以根據故障電流大小自動調整斷電時間，咁安全供電就萬無一失㗎。

第三重保障：電力公司保護裝置

電力公司設有開關裝置配合繼電保護系統保障電力安全，當出現故障時，迅速隔離故障部分，並轉由其他電源補上，咁電力就唔會中斷㗎。